



Universitätsbibliothek Paderborn

Pastorale Missionariorvm

Verjuys, Jean-Baptiste

Antverpiæ, 1682

4. Vtrum infirmus sæpius communicare possit non jejonus.

urn:nbn:de:hbz:466:1-41565

318 TRACTATUS VIII.

proinde dum quis dubitat an totum sacharum ante medium noctem transmiserit in stomachum , debet à communione abstinere. Sitamen consumptâ substanciali ante illud tempus remaneat aliqua dulcedo in ore , non nocebit, quia sic confunderetur cum salivâ.

ARTICULUS IV.

Vtrum infirmus saepius communicare possit non jejonus ?

Quod infirmis in periculo mortis dari possit viaticum non jejunis , continuus usus est & praxis Ecclesiae , de quo nulla potest esse dubitatio. Sed inquiritur utrum hoc saepius fieri possit in eadem infirmitate.

Aliqui hoc quidem admittunt , sed requirunt certum spatium temporis intermedium , quod alii limitant ad octo , alii ad sex , quidam etiam ad tres dies : sed illa limitatio caret fundamento.

Respondetur igitur propositae quæstioni : omnino esse probabile quod saepius dari possit communio infirmo non jejunio , in eadem infirmitate ; si interveniat notabilis aliqua variatio , & iterum reincidat in novum mortis periculum , & hoc toties quoties talis variatio contingit ; quia tunc censetur adesse quasi nova

ægri.

ægritudo , & nova necessitas , ratione cuius id
primâ vice licitum fuerat. Nec enim credi
potest quòd pia Mater Ecclesia destituere velit
infimos tali solatio , & spirituali subsidio , quo
in illo statu maximè indigent , propter multa
quæ tunc possunt occurrere , quæ necessitatem
istam notabiliter augent ; v.g . tentationes , &
peccatorum pericula , ad quæ superanda hoc
auxilio maximè indigent. In tali autem statu
difficile esset , si præter unicam vicem require-
retur , ut non nisi jejuni hoc Sacramentum pos-
sent suscipere. Deinde in Conc. Constant. sess.
13. dicitur in casu infirmitatis posse Euchari-
stiam dari non jejuno , ergo cum non limitet
ad unicam tantùm vicem , non est fundamen-
tum limitandi dummodo notabile periculum
perseveret.

Majus adhuc aliquid & non improbabili-
ter concedit Layman lib. 5. tract. 4 c. 6.
n. 20. Quod si talis infirmus assuetus sit tem-
pore sanitatis requenter communicare prop-
ter devotionem , ac multùm ipsi sit sensibile
Sacrâ communione diu privari , permitti possit
ut altero statim die post sumptum viaticum ,
iterum communicet non jejonus ; dummodo
mortis articulus omnino videatur appropin-
quare.